

爲利驛傳文移輒從中阻四月玠檄重慶知府王士琦詣綦江趣應龍安穩聽勘應龍使弟兆龍至安穩治郵舍儲糗邛頭郊迎致餽牽如禮言應龍縛渠魁待罪松坎所不敢至安穩者恐墮安穩仇民不測之禍也幸請至松坎受事士琦曰松坎亦曩奏勘地也卽單騎往應龍果面縛道旁泣請死罪請治公館執罪人及罰金獻廷中得自比安國亨國亨者曩亦被許懼罪不出界故應龍引之士琦爲請於玠許之應龍乃縛獻黃元阿羔阿苗等十二人按驗抵應龍斬以其族得論贖輸四萬金助採木仍革職以子朝棟代受職次子可棟羈府